

القرآن اداة التغيير | التربية الإيمانية درس ٤ | فاضل سليمان

فاضل سليمان

طيب الحمد لله والصلوة والسلام على سيدنا رسول الله. اهلا بكم في الدرس الثالث من دروس التربية الإيمانية. وهذا هو الدرس الثالث بعد المقدمة المحاضرة التمهيدية اللي هي اسمها التوازن التربوي. المرة اللي فاتت كان درس ثمار الإيمان وادينا فيه واجبات

00:00:12

اتكلمنا عن الناس اللي تقدر تزور وحدة عناية مركززة. مين فيكم قدر يخش وحدة عناية مركززة؟ الحمد لله قليلين الحمد لله. جالي اي ميل من احد الاخوة قال لي ايه اللي انت قلته ده انا طبيب الناس دي كلها الالاف دي لو دخلت اقتحمت وحدات العناية المركززة المرضي اصلا هيموتوا - 00:00:42

فالحمد لله هم اصلا ما بيسمحوش بدخول العناية المركززة. ولكن هناك بعض وحدات العناية المركززة بيليها زجاج شفاف. فلما تبص من ورا الزجاج شوف الناس في هذه الحالة الضعيفة بتعرف قد ايه ضعفك. فده اللي كان مقصود منه طبعا. ولكن احنا ادينا بديل عنها وهو - 00:01:02

وحدة الحوادس في مستشفى زي مستشفى هليوبوليس. مين راح بقى وحدة حوادس المستشفى؟ احد المستشفيات؟ قليل قوي يا جماعة اللي بيعمل الواجب قليل جدا. لأباد ان احنا نحاول نزور كوحدة حوادس نقف فيها كده بتابع عشر دقائق نشوف الناس اللي داخلة مكسرة ومدغدة من الحوادس - 00:01:22

كله عشان نعرف نعمة ربنا علينا ونعرف ان نعمة الصحة. نعمة الانسان لا يتذكرها الا اذا فقدتها فالواحد فينا ما بيذكرش نعمة البصر الا لما شوية تراب يخشوا في عينه. او عينه تتعب. اول واحد ما بيذكرش - 00:01:42

نعم لا يمكن تفكير فيها. مين فيكم فكر بان البلع نعمة. نعمة البلع وتعارفها امته لما زورك يحتقن وتبقى مش قادر تبلغ ريقك طب ياه ده البلع بتساوي له نعمة ولا عمرنا ركزنا فيها خالص بتبلغ ريقك كام يوم - 00:02:02

كم مرة في اليوم؟ الاف المرات طيب ورد الالاحاج فاكرينه؟ ان نلح على الله بانه يمن علينا القلب السليم. ارفع ايدك لو عملت الورد ده لو سمحت. اه احسن عدد انا عايز اكتر من كده بقى. كله بازن الله من هنا ورايح للورد ده معنا على طول. اللهم - 00:02:22

علي بالقلب السليم. اللهم من علينا بقلب سليم. في السجدة وقبل الصلاة وبعد الصلاة على طول. طيب مين قرا المختصر بتاع فضائل القرآن لابن ابي شيبة او فضائل القرآن كله. لابن ابي شيبة. قليل قوي من الناس يا جماعة. طيب. عايز اقول لك حاجة اسهلاها لك. فضائل القرآن من - 00:02:42

اي كتاب من الكتب الطبيعية الموجودة عندي زي مسلا رياض الصالحين. مين فيكم عنده رياض الصالحين؟ الحمد لله. ممكن نقرأ باب فضائل القرآن من رياض الصالحين لو سمحتم مش هياخد منك ربع ساعة - 00:03:02

لكن ده قلناه المرة اللي فاتت ده اسمه التحفيز. بتحفتك انك تعرف فضائل القرآن الكريم عشان هتقبل اللي عليه ابتداء من المرة دي الواجب قرآن. طيب مين استسمح التلاتة اللي اغتابهم - 00:03:17

شكرا. طب مين حصل عنده مشاكل؟ حصل مشاكل ها؟ طب مين لقاها صعبة وهو بيعملها صعبة مش كده؟ حسيت انك ناوي تفتاب تاني؟ استحالة صعبة اشتريتم المصحف اللي فيه التفسير في الهوامش؟ ده مهم جدا يا جماعة. وعلى فكرة الاخ احمد جبلي قال لي ان توفر عنده مجموعة من المصاحف. ماشي - 00:03:37

فالاخ احمد جبلي اه احد الاخوة المنزمين موجودة برة ها؟ بعد المحاضرة هنا خدتها من برة. طيب آآ ده عندكم كمية قد ايه مسلا؟ في

حدود ميتيين دولار. في حدود متيين تلتمية دول آآهاديا. خلاص. اللي ما عندهوش مصحف من دول ياخذ واحد هدية - 00:04:08
اللي ما عندهوش مصحف من دول كلام واضح جدا. طيب الرسول عليه الصلاة والسلام يقول عن قارئ القرآن قد ايه انا كنت سعيد
النهاردة وانا داخل ولقيت مقرأة ياه قعدت في مقرأة والناس بتعلّم تلاوة القرآن الكريم. وتنذكرت قول رسول الله صلى الله عليه
وسلم الذي - 00:04:28

اقرأ القرآن وهو ماهر به مع السفرة الكرام البررة اللي هم الملائكة سفر كرام بربة والذى يقرأه وهو يشتند عليه اللي بيقرأه بيتعنت فيه
لقاء صعب عليه له اجران اجره مضاعف - 00:04:58

اجر القراءة اللي بيأخذها اللي مع السفرة الكرام البررة واجر التعنّعه واجر عشان المشقة اللي هو بيجدها. القرآن ده عبارة عن ايه يا
جماعة انتم عارفين يقول لك ايه انا النهاردة معزوم على الغدا. يقول لك عند مين؟ ليه عند اشمعنى - 00:05:23

ما انا معزوم على غدا وخلاص. لـ. كل ما كان معزوم عند حد آآله شأن. كل ما عرفنا ان السفرة مليانة هيكون فيها طبعا احسن سفرة
هيكون فيها لحوم وفراخ وآسي فود وبتاع والكلام ده كله ها اشحال بقى لو - 00:05:46

ربنا اللي عازمنا. ربنا عمل لنا مأدبة اللي هي ايه؟ القرآن. يقول رسول الله صلى الله عليه وسلم ان هذا القرآن مأدبة الله فتعلّموا من
مأدبة الله ما استطعتم ده بقى العزومة اللي ربنا عملها لك. خد منها على قد ما تقدر. خد في جيوبك. عبي - 00:06:06

فائدة كلها في ده. هذا القرآن هو مأدبة الله ويقول صلى الله عليه وسلم لا فاقة يعني لا فقر لعبد يقرأ القرآن ولا غنى له بعده. ما فيش
حاجة اسمها فؤاد فلان ده فقير طالما انه انسان مواطن على قراءة - 00:06:36

القرآن الكريم. ما يتقالش عليه فقير. ده عنده كنز. وما فيش حاجة اسمها حد اغنى ابدا من حد بيقرأ القرآن. هو ده الكنز الحقيقي في
هذه الدنيا. بقى لا فاقة لعبد يقرأ القرآن ولا غنى - 00:06:59

له بعده. ما فيش حاجة اقيم من ذلك. يقول رسول الله صلى الله عليه وسلم افلا يغدو احدكم الى المسجد الواحد منكم يروح
المسجد. فيعلم او يقرأ ايتين من كتاب الله خير من - 00:07:19

الناقة افخم وسيلة من وسائل الركوب في هزا الوقت. كان فيه الحمار وكان فيه بغلة وكان فيه الا حصان لكن الناقة فخمة زي
الحصان وعملية وبتشيل عليها وتحططها وتحطط عيلتك كلها ويعني كرفان يعني - 00:07:39

ايتين اتنين خير من عربيتين مرسيدس. ايتين اتنين تعلمهم لحد. او انت تقرابهم بس تقرابهم ازاي؟ امسك الاية اقرابها كده اهو من
غير فهم؟ هنيجي بقى للكلام ده النهاردة بقى ايتين اتنين خير من عربيتين مرسيدس - 00:07:59

الشعبي يروي عن ابن مسعود رضي الله عنه قال سيدنا ابن مسعود بيقول يجيه القرآن يوم القيمة فيشفع لصاحبها. فيكون قائدا الى
الجنة ويشهد عليه فيكون سائقا له الى النار. قرآن يشفع يعني ايه يشفع - 00:08:19

بيقول لك احنا بالليل بنصلي ايه؟ شفع والوتر. يعني ايه الشفع؟ مجوز مجوز فيقول لك المكان ده يدخله كابلز. فده معناه شفع.
فالقرآن بيجي شفع لصاحبها. يعني بيجي مجوز معه بيجي واخدك كده. ماشي؟ وداخل بك ياخدك الجنة - 00:08:47

او يسوقك على النار. يا اما يشهد عليك انك لم انك خالفت اوامرها او انك قمت باوامرها انك لم تهجروا فالقرآن جاي معك جاي معك.
يليك يعالجك دلوقتي بقى قبل ما نبدأ - 00:09:17

في مثال انا ضربته هنا في هذا المسجد قبل كده ولكن عشان احنا بنبدأ هذه الدورة من الاول. خلينا نضربه لكم تاني. عايز كل حد من
يتخيل نفسه الليلة روح - 00:09:44

فوجد عند باب البيت اسرة سورية. وقالوا له ان بيتنا قصف في سوريا ربنا يا رب يفرج عنهم. امين يا رب. وينصرهم. بتنا قصف
وليس لدينا مكان يؤويانا الساعة تسعه ونص ده هيباتوا في الشارع اطن طبعا - 00:10:01

احنا هنعمل ايه؟ اتفضلا جوة وباتوا لغاية الصبح لغاية ما نشوف حل في مشكلتكم. شوفوا هتقعدوا فين بعد كده. راجل ومراته معه
اربع عبال مسلا. مش هنسبيهم بالليل كده في البيت هندخلهم - 00:10:30

طيب. هل فينا حد هي عمل حاجة احسن من كده شوية؟ هيقول لهم مسلا لأن خالص ما فيش مشاكل. اتفضلا انتم هتقعدوا معنا في

البيت الى ان تحل مشكلتكم. يقولوا مراته والوالد يلا خشوا في اوستين وهنسيب ايه - [00:10:48](#)

عمو وطنط وعيالهم في اوستين. في حد يقدر يعمل كده؟ حد عارف هتسحل المشكلة امتى؟ ده بقى لها سنتين. ما يمكن تقدر لها كمان سنتين منكم تقدر على طول صعب بس ممكن حد يعمل كده. طب هل في حد بقى اقوى من كل - [00:11:08](#)
ايمانيا مستعد يقول لهم ولا فيه مشاكل خلاص ده بيتكم. يلا قسمناه بالنص. انتم قاعدين معنا على طول كلام طبعا يعني مستحيل.
طب ايه رأيكم ان ده حصل قبل كده بالفعل؟ الشعب بالكامل هجر - [00:11:28](#)

من بيته وشعب اخر استقبله في بيته. الشعب المهاجرين هجر. وشعب الانصار في بيوتهم. وقعدوا معهم خمس سنين. لغاية بنى النضير. بداية زهور المال وبداية زهور الغائم المهاجرين قال لك ايه كل واحد يطلع يشتري له بقى شقة ولا يجيب له بيت - [00:11:50](#)

ويحل عن الناس اللي قاعدين على قلبهم بقى لنا خمس سنين كان ايه رد فعل الانصار؟ بدوا باكوا قالوا لهم احنا قصرنا معكم في ايه؟ عايزين تسيبونا ليه؟ عايزين تسيبونا ليه؟ مش عايزين نسيبكم - [00:12:20](#)

لكن كنت يعني جراكم الله خيرا. والله ما قصرتم عملتوا اللي عليكم لكن خلاص بقى لنا على قلبيكم خمس سنين. ودول بيكونوا لا يمكن مش هتخرموا طبعا كتير مننا قاعد دلوقتي متعجب او ايهم الانصار دول كانوا ايه؟ الناس دي بتفكر ازاي يعني؟ انا اعتقاد انهم - [00:12:40](#)

لو نظروا اليها النهاردة واحنا بنقول للاخوة السوريين اتفضوا لغاية الصبح. هيقولوا لهم المصريين دول ايه بيفكرروا ازاي؟ ازاي؟ فاحنا متعجبين منهم وهم متعجبين مننا. القضية قضية ايه؟ قضية مستوى ايماني مختلف. مختلف مستعدين للتضحية - [00:13:03](#)
بالدنيا بنسبة قد ايه؟ تمسكنا بالامور الدنيوية قدره قد ايه؟ لكن برضو في ناس قاعدة متضايقه دلوقتي هو ايه الحكاية هو بقارنها بالانصار ازاي؟ وما قارنكم بالانصار ليه؟ تقول لي لا ما هو انت برضو دي - [00:13:33](#)

مقارنة غير عادلة. احنا فين والانصار فين؟ وليه يا حبيبي ما قارنكم بالانصار ليه؟ تقول لي اصلهم اول حاجة دول تربية رسول الله صلى الله عليه وسلم. احنا فين منهم؟ ايه رأيكم بقى؟ ان حتى هذه اللحظة - [00:13:53](#)

فالهاجرين هاجروا ما كانش الانصار لسة تربية رسول الله صلى الله عليه وسلم. ولا كانوا شافوه خلاص. الا خمسة وسبعين واحد منهم يوم بيعة العقبة الثانية لمدة دقائق بالليل في جنح الظلام وبس. احنا اللي نعرف عن رسول الله صلى الله - [00:14:13](#)
عليه وسلم اكتر من الانصار حتى هزه اللحزة الاف المرات. لوجود كتب السنة عندنا. البخاري ومسلم وابن ماجة وابي داود وموطئ الامام مالك كل ده بيقول لنا سنة النبي اكتر من الانصار حتى هزه اللحزة. ايه رأيك بقى - [00:14:33](#)

هيقول لك لأ بس برضو يمكن يعني مسلا مستواهم الایماني نتيجة وجودهم في المدينة المنورة والجو الایماني الحلو بتاع المدينة والمسجد النبوي. لأ ما كانش فيه كل ده خلاص. حتى هزه اللحزة ما كانش حتى اسمها المدينة. ما كان اسمها يترب - [00:14:53](#)
ولا كان فيه عبادات ولا حاجة. هل يقبل احد ان حد يقول انه صحابي جليل هو وزوجته صحابية جليلة يصحوا الصبح يشربوا خمرة في رمضان ما حدش يقبل هزا الكلام. طب ده كان بيحصل حتى هزه اللحزة. ايه رأيكم بقى؟ الخمر حرمت سنة ستة هجرية. ويقال اربعة هجرية - [00:15:13](#)

رواية اخرى والصوم فرض سنة اتنين هجرية. يعني لغاية اللحزة دي كانوا صحابة وبيشربوا خمرة وفي رمضان. ايه رأيك بقى وايمانهم اقوى من ايماننا. الاف المرات. تقول لي ما اقارنكم بهم ليه؟ هو حاجة واحدة - [00:15:40](#)
خلت ايمانهم اقوى من ايماننا. الحاجة دي هي القرآن. الحاجة الوحيدة اللي كانت عندهم ومش عندنا هي القرآن. الناس عمالة تبع على المصاحف. اومال ده ايه؟ اللي عندنا يا جماعة - [00:16:01](#)

هو الفاظ القرآن. اما هم كان عندهم حقيقة القرآن. هم فما كانواش بيتعاملوا مع القرآن بالطريقة اللي احنا بنتعامل بها مع القرآن. هم لما كان حد يقول لهم اقرروا القرآن - [00:16:21](#)
ما كانواش يسألوا السؤال ده. بفهم ولا بدون فهم؟ احنا بس اللي بنسأل السؤال ده. هي دي الاضافة بتاعتنا اللي اضفناها للقرآن.

جعلناه الكتاب في الدنيا اللي يقرأ بدون فهم. ليه مش فاهم؟ عشان نيجي مسلا يوم القيمة نقول يا ربى كنا نقرأ كتابك بدون فهم تعظيمًا لك - [00:16:41](#)

اجلاله له ازاي؟ اي كتاب في الدنيا تقول لحد يقرأ ويقول لك حاضر لا يمكن يسألك بفهم ولا بدون فهم الا القرآن الكريم. اقرا اخر كتاب لشيخ القرضاوي. ما فيش حد يسألني بفهم ولا بدون فهم. يعني ايه بدون فهم؟ قراءة يعني بفهم طبعا - [00:17:07](#)
الا القرآن. احنا عندنا كارثة. كارثة بجد حتى ان الاية الكريمة ربنا انتا سمعنا مناديا ينادي للايمان ان امنوا ربكم فامنا قال فيها احد المفسرين محمد بن كعب القرشي هو القرآن. لأن ليس كله امرأة - [00:17:28](#)

النبي صلى الله عليه وسلم فالمنادي الذي نادانا للايمان ان امنوا بربكم اتفنى على تفسير محمد ابن كعب القرشي هو القرآن. حاجة عايزين نفهمها يا جماعة في العقيدة عندنا الكفر يساوي الموت. والايام - [00:17:58](#)

يساوي الحياة. فالكافر كأنه ميت بالزبط. قلب الكافر قلب ميت يحيى بالايام. ربنا سبحانه وتعالى بيقول في سورة الانعام او من كان ميتا فاحييئناه وجعلنا له نورا يمشي به في الناس. يعني كافر دخل قلبه الايمان ربنا بيقول فاحياء - [00:18:28](#)

وجعلنا له نورا يمشي به في الناس. يقول ايضا سورة النحل اموات غير احياء وما يشعرون ايام يبعثون. كتير مننا اموات. القلب بالغير عامر بالايام قلب ميت. ليس بالضرورة يكون كافر. لكن ما دام ما فيش ايمان في القلب القلب ميت. وما يستوي - [00:18:58](#)
والبصير ولا الظلمات ولا النور ولا الظل ولا الحرور. وما يستوي الاحياء ولا الاموات. اللي في قلبه ايمان لا يستوي بالقلب اللي ما فيش فيه ايمان انك لا تسمع الموتى ولا تسمع الصم الدعاء اذا ولوا مدربين - [00:19:28](#)

موتى ربنا بيقول له انت مش هتسمع الموتى ولا تسمع الصم الدعاء اذا ولوا مجريين. يعني يجب ان يدخل الايمان في القلب يبقى طيب عشان القلب الميت يحيا. ايه الفرق بين الحي والميت؟ اه وعندنا واحد ميت - [00:19:58](#)

لقيت واحد حي اهو الميت جسه والحي جسه لكن بتزيد ايه عن جسه الميت؟ روح يبقى احنا عايزين روح يبقى عايزين نبحس روح في القلب الميت حتى يحيا. الروح ده هي ايه - [00:20:18](#)

القرآن ربنا سبحانه وتعالى بيقول وكذلك اوحينا اليك روحًا من امرنا قرآن روح من الله. اوحى بها الله الى رسول الله صلى الله عليه وسلم. فالقرآن روح. روح القلب يقول الشاعر الباكستاني شاعر الاسلام محمد اقبال. انه ليس بكتاب فحسب - [00:20:38](#)

القرآن ده مش كتاب عادي. انه اكتر من ذلك. اذا دخل قلب تغير الانسان. واذا تغير الانسان تغير العالم. اذا القرآن كتاب يستطيع ان تغير العالم لانه يستطيع ان يغير الانسان. واذا تغير الانسان تغير العالم. عايز تغير بلدك عايز تغير - [00:21:08](#)

العالم كله البداية من هذا الكتاب. سيد قطب رحمة الله عليه يقول انه نظر الى الجيل الاول جيل الصحابة وكان متعجب قال كنت اراجع سيرة سمع المسلمة الاولى سيرة الصحابة. واقف امام شعور هذه الجماعة بوجود الله وحضوره في - [00:21:38](#)

وفي حياتهم. كان بيشفوف كده الصحابة مدركين وجود ربنا قوي. ربنا عندهم حاضر في حياتهم كان يتعجب جدا ازاي حد يوصل بایمانه وبوجود ربنا الى هذه الدرجة. قال لك ما كنتش قادر افهم ابدا حتى عدت الى القرآن اقرأ في ضوء الموضوع الاصيل - [00:22:18](#)

الرئيسي بتاع القرآن الكريم اللي هو ايه؟ تجلية يعني اظهار حقيقة الالوهية تعبيد الناس لله وحده. هو ده اساس القرآن. بيرجعك عبد ويعرفك حقيقة الالوهية. قال لك وهنا فقط ادركت كيف تم هذا كله. ادركت سر - [00:22:48](#)

الصنعة وعرفت كيف صنع ذلك الجيل الفريد في البشرية كلها. كيف صنع صنعواها هنا في المسجد انتم هنا في المصنع يصنع الرجال والنساء انت بعد دورة زي دي لما تمشي على الواجب اليومي بقولها لك تاني هتبقي صنعت - [00:23:16](#)

في مصنع الرجال ومصنع النساء المسلمين والمسلمات. تبقى صنع في المسجد. هيكتكتب كده عندك تيكت كده صنعت المسجد. زي ما الصحاوة صنعوا في المسجد. والصنعة دي موجودة في القرآن. الصناعة دي بتجعلك ايه؟ انسان - [00:23:46](#)

المنهج الربانية يعني ايه انسان رباني؟ يعني انسان موصول بالله بتعيش بالله والله ليس في قلبك الا الله وليس في حياتك الا الله. يبقى انت كده اكنك ماشي بالكهرباء والكهرباء واصلة لك من ربنا - [00:24:06](#)

عايز باستمرار تبقى متوصلا. هو ده يا اخواننا. يبقى الرب يبقى التارجت بقى الهدف بتاع الدورة بتاعتنا دي نوصل بايه؟ اتنا
نبقى ربانيين. موصولون بالله ونعيش بالله ونعيش لله وليس في قلوبنا الا الله وليس في حياتنا الا الله. هي دي الحياة - 00:24:36
ايه يا جماعة؟ هي دي الحياة الحقيقة. يبقى ازا عشان ده يحصل لابد ندرك قيمة هذا قيمة القرآن عشان الاسلوب اللي احنا بنتعامل
به مع القرآن خلى الرسول عليه الصلاة والسلام يشكون الى الله - 00:25:05

وقال الرسول يا ربى ان قومي اتخذوا هذا القرآن مهجورا. ربنا بيقول كلنا في القرآن انت عملتم فيه ايه؟ جاي يشتكي منكم ليه؟
الرسول رايح بيشتكي لربنا وبيقول له يا ربى ان قومي اتخذوا هذا القرآن مهجورا. الحمد لله ما قالش هجروه. احنا هجرناه. ما احنا
بنقراء - 00:25:25

احفظوا لكن هو قال اتخذوه مهجور. ارجو الشباب يتقدموا ايضا فسحوا لاخوانهم في الخلف. والكراسي ترجع وراء. ده حسب بالكلام
بتاع الاخوان. معش احنا اسفين. بالمناسبة المرة وجايه يوم الاحد مش الثلاثاء خلاص هنرجع الاحد تاني. ماشي؟ طيب. يبقى مجرد
ان احنا نقرأ - 00:25:55

وبدون فهم. نقرأه بدون تدبر. هذا اتخاذ للقرآن ولكن اتخاذ بهجر. يعني هجرناه احكاما واحلاقا طيب اين البداية؟ نبدأ ازاي؟ الطريق
الى الایمان ازاي اول حاجة الایمان بالقرآن هو البداية. يجب ان تؤمن بقدرة القرآن على التغيير - 00:26:25
الذين اتبناهم الكتاب يتلونه حق تلاوته. اولئك يؤمّنون به فيجب الایمان قبل القرآن. الایمان يأتي قبل القرآن الایمان بقدرة القرآن على
التغيير. يقول عبدالله بن عمر رضي الله عنه وارضاه لقد عشنا برهة من - 00:26:55

دهرنا واحدنا يؤتى الایمان قبل القرآن. فتنزل السورة على محمد فتتعلم حلالها وحرامها. وامرها وزجرها. وما ينبغي ان يوقف عليه
منها يعني قعدنا فترة جيل الشباب بيكولوا ده عبدالله ابن عمر جيل الشباب زيكم ايه؟ قعدنا فترة مع رسول الله يؤتى احنا -
00:27:25

الایمان قبل القرآن. ثم تنزل السورة على محمد صلى الله عليه وسلم فتتعلم حلالها وحرامها الاحكام اللي فيها. وامرها وزجرها. اللي
بتبقى الاوامر فيها والنواهي. وما ينبغي ان قف عليه منها احكام التلاوة والوقف. سيدنا جندي بن عبدالله رضي الله عنه وارضاه يقول
- 00:27:55

كنا مع النبي صلى الله عليه وسلم ونحن فتيان حزايير. يعني الشباب في قمة الفتنة. فتيان حزايير. فتعلمنا الایمان قبل القرآن سمع
تعلمنا القرآن فازدنا ايمانا. يبقى القرآن ده ربنا نزله ليه؟ نور بيهدي - 00:28:25
الناس اول حاجة اؤمن بها هو ده النور الذي يهدي الله به الناس. يا ايها الناس قد جاءكم برهان من ربكم وانزلنا اليكم نورا مبينا.
عايشين في ضلعة وربنا نزل لنا نور. هو ده القرآن الكريم - 00:28:55

قرآن يا جماعة هو طوق نجاة. عارفين واحد بيغرق يلاقي الطوق نجاة هي عمل ايه هيتشبّث بي واللي بينجيه يبدأ يتتشبّث ايضا من
الناحية الثانية ويشده. اسمع حديث قال النبي صلى الله عليه وسلم ابشركم مبروك يا جماعة ابشركم جود نیوز اخبار حلوة -
00:29:15

في ايه؟ ان هذا القرآن طرفه بيد الله. وطرفه باديكم فتمسكوا به فانكم لن تهلكوا. ولن تضلوا بعده ابدا. القرآن ده حبل نجاة ممدود
لك. لازم تفهم كده. انت واحد في الدنيا دي بتغرق في الشهوات - 00:29:45
وفي الامور الدنيوية وفي المشاكل والكتاب وكل اللي احنا عايشين فيه ده. طوق النجاة بتاعك هو القرآن الكريم. لذلك الدكتور
مجدي الهلالي بيقول في احد كتبه القرآن لا يستعصي عليه باذن الله اي مرض من الامراض - 00:30:15

ويشفيه ولا شبهة ولا ظلمة من الظلمات الا وينيرها بنور الله. الذي بسيط ويشع من كل ايات الله ومن كل كلمات الله. ولكن يجب ان
يتعرض الانسان له تعرضا مستمرا. يعني ايه؟ واحد بيأخذ جلسات اشعاع. يقول لك كل يوم تروح تاخذ جلسة - 00:30:35
تقعد ساعة بيشع عليك هو كده. القرآن حتى يشفى امراض القلب اللي عندنا. يجب ان يكون تعرض لنعرض مستمر اشعاع. ليشع على
قلبك. يا ايها الناس يا ايها المسلمين كل الناس يا ايها الناس قد جاءكم موعدة من ربكم وشفاء لما - 00:31:05

الصدور وهدى ورحمة للمؤمنين. يبقى اخطر وظيفة من وظائف القرآن الكريم. والسر الاعظم في كل اية من ايات القرآن الكريم انها بتحمل منابع ايمان غزيرة بتتفجر في قلب انسان لما يتعرض لها - [00:31:35](#)

مهما كانت قسوة هذا القلب. ونهننوف دلوقتي عمر بن الخطاب ازاي هذا القلب القاسي تأثر بالقرآن ولان بقى زي العجيبة. القرآن ده عباره عن بث الهي مستمر بس كلنا عارفين ان فيه بث للراديو دلوقتي. متأكدين لكن ما حدش سامعه. ليه - [00:31:59](#)

عشان ما حدش ضابط الراديو. لازم الراديو يتفتح ويتزبطة. نفس الكلام. القرآن بث الهي مستمر اربعة عشرين ساعة انت لم تستقبله الا لما تفتح جهاز الاستقبال بتابعك اللي هو قلبك. وتزبطة على الموجة الصحيحة - [00:32:29](#)

تلقى بث الهي اربعة وعشرين ساعة. جاي لك من ربنا. الرسائل تأتيك. لذلك سيد قطب رحمة الله عليه يقول القرآن يزيل الغشاوة. عارفين انتم الازاز لو لما يشير ويقوم واحد جايب جلدة الجلدة بيمسحوا بها الازاز ويقوم ماسح حته كده تلاقي الحته دي راحت منورة يزيل - [00:32:49](#)

الغشاوة والقرآن يزيل الغشاوة من على القلب. ويفتح النوافذ بيهمي ويخرج الكمكمة يخرج الحاجات المكمكمة جوة القلب. ويسبك النور. ويحرك المشاعر ويستجيش القلوب ويخلص الضمير وينشئ حياة للروح تتبعها - [00:33:19](#)

وتشرق وتسنير. تأثير القرآن سر لا يمكن وصفه يشعر به تأثير القرآن شيء ما يتوصفح. ربنا سبحانه وتعالى بيوصفه بيقول الله نزل احسن الحديث كتابا متشارها مثاني تشعر منه جلود الذين يخسون ربهم. جلود تشعر تشعر - [00:33:49](#)

ثم تلين جلودهم وقلوبهم الى ذكر الله. ذلك هدى الله يهدي به من يشاء ومن يضل الله فما له من هاد. طب امال احنا ما بنتأسرش ليه؟ بيقول لك هنا - [00:34:19](#)

شبكة ضعيفة. طب ايه المطلوب؟ رح كده ناحية الباب. يمكن الشبكة هناك تكون اقوى. يبقى عندك تلات شرط هنا ما فيش غير شرطة واحدة. هو ده بالضبط. القرآن له دوائر تأثير. فاحنا على اطراف دائرة التأثير القرآني - [00:34:39](#)

نخش ونطلع نخش ونطلع. نخش نقدر بقى عندك شرطة واحدة تقوم طالع تاني. تروح تحضر لك مقرأة تبسيط قوي. عندك شرطة تقوم خارج تاني. لأ احنا في الدورة دي عايزين نخش ونقرب من السنتر. نخش نقرب من دائرة التأثير القرآني - [00:34:59](#)

ندخل نفسنا جواها. ده اللي ابتداء من المرة دي الواجب هيركز عليه. هتفضل تيجي وما بتعملش الواجب انت بتدور وبتلف حوالين دائرة التأثير من برة. بتخشن يوم المحاضرة تطلع عندك شرطة - [00:35:19](#)

تاني يوم راحت الشرطة. لأ احنا عايزين نبقى بشرطتين وبتلت شرط. المسلم ابو شرطة ده احنا مش عايزينه. طيب يا جماعة القرآن اسر في ناس اقول لكم على حاجة. الكاتب الفلسطيني الشهير ميقولا - [00:35:39](#)

كتب قصيدة اسمها من وحي القرآن. وعمل للقصيدة دي مقدمة يقول فيها قرأت القرآن فاذهلي. وتعملقت به ففتأه ثم اعدت القراءة فامنت وكيف لا اؤمن ومعجزة قرآن بين يدي انظرها واحسها كل حين هي معجزة لا - [00:35:59](#)

بقية المعجزات. معجزة الهمية خالدة. تدل بنفسها عن نفسها. وليس بحاجة لمن يحدث بها او يبشر بها. معجزات سيدنا موسى تحتاج الى سيدنا موسى. والى العصاية بتاعة سيدنا موسى لن تنقلب ثعبان. اضرها كده لو لقيتها في البحر لن ينفلق البحر - [00:36:39](#)

معجزات سيدنا المسيح تحتاج الى سيدنا المسيح. اما معجزة سيدنا محمد. صلي الله عليه وسلم بعد مماته هي معجزة باقية. تتحدث بنفسها عن نفسها. لأنها هي الرسالة الأخيرة الخالدة لا يمكن تعتمد على معجزات حسية يجب ان تعتمد على المعجزة - [00:37:08](#)

باقية لأنها الرسالة الباقيه. دكتور ديفيد ليبرد احد الاطباء في كندا. هذا الرجل كان عنده زملاء مسلمين فحب يدعوه هم الى دينه. فقال لك يقرأ هو له كتاب جميل اسمه تشوزنج في موجود بالانجليزي. تشوزن فيه - [00:37:38](#)

موجود عندنا حضرتك ممكن نبعثه لكم على التاتشنت ممكن تدور عليه على الانترنت موجود سبعة وسبعين صفحة. بينزلوا بي دي اف على طول. لكن بيقول لك دائمًا كنت وحدك من قراءة القرآن. لأن قراءة القرآن ستدمر الایمان في قلبي. قال فقرأت - [00:38:08](#)

القرآن فعرفت معنى الایمان الحقيقي. دكتور ديفيد طبعا الها ردة هو من قادة الجالية اسلامية في كندا. بوصوا يا اخوانا الجن بيعاملوا مع القرآن ازاي؟ الجن ربنا سبحانه وتعالى بيقول في سورة الاحقاف. واذ صرفنا اليك نفرا من - [00:38:28](#)

اني يستمعون القرآن. فلما حضروه قالوا انتصتوا فلما قضي ولو الى قومهم منذرين. قالوا يا قومنا انا سمعنا كتاب انزل من بعد موسى مصدقا لما بين يديه يهدي الى الحق والى طريق مستقيم. يا قوم - 00:38:58

انا اجيب داعي الله وامنوا به يغفر لكم من ذنوبكم ويجركم من عذاب اليم. سيد قطب القرآن على الایة دي مش ممکن. تقول لك مش ممکن الفرق بینا وبينهم. واذ صرفا اليك نفرا من الجن. اسمع - 00:39:28

يستمعون القرآن. مش يسمعون. في شعور بالانصات. فلما حضروه وفي ناس جاية انتصتوا. فلما حضروه قالوا انتصتوا. بس القرآن شغال. شف شف الفرق في التعامل والاهتمام والانصات. فلما قضي يعني لما خلص يعني ايه لما خلص؟ يعني لما خلص - 00:39:48

خلص. يعني لما الرسول عليه الصلاة والسلام توقف عن التلاوة ما مش يوش. استنوا شوية حتى يتاکدوا انه مش بياخد ويرجع يقرأ تاني. ده خلص بجد. خلص خلص. مش هيقرأ ته لأ مش هيقرأ تاني. بس بقى بعد كل الانصات والتريث والهدوء السرعة - 00:40:18 ولو الى قومهم منذرين. جري طيران على قومهم. ليه؟ لأنهم محملين برسالة لا يستطيعوا ان يتحملوها وحدهم يريدوا ان يبلغوا ولو الى قومهم منذرين. قالوا يا قومنا انا سمعنا كتابا انزل من بعد موسى. مبروك يا جماعة كتاب جديد نزل بعد التوراة لأن فيه تشريع الانجيل ما كانش فيه تشريع. ها يهدي الى الحق والى طريق - 00:40:38

مستقيم يا قومنا اجيروا داعي الله وامنوا به يغفر لكم من ذنوبكم ويجركم من عذاب اليم. ايه المبادرة دي ايه السعي بالدعوة ده؟ حاجة مش ممکن. احنا يا جماعة لو نقارن بحالنا احنا بس الجن الانصات والاصفاء والاهتمام انما احنا حتى عيالنا - 00:41:08 ربيها غلط عايزين نفهم عيالنا ان القرآن كتاب مهم. يقوم كل يوم الصبح نصحي نشغل ايه قناة المجد الفضائية قرآن يتلى اناء الليل واطراف النهار. وما حدش بيسمعه. الولد يصحى يلاقي بابا وماما بيشتغلوا قناة - 00:41:38

المجد قرآن بيتبلي وبابا قاعد بيعمل تليفوناته وماما داخلة طالعة من الاوضة ولا كان فيه اي حاجة مهمة في التليفزيون وبعدين الولد يلاقي بقى ماتش كورة ويلاقي ماتش كورة مهم. لأ ده بين اسبانيا وايطاليا في كاس اوروبا. لا احنا - 00:41:58 اسبان ولا احنا ايطاليين ولا اوروبا قارتنا. يعني المفروض ما نتفرجش خالص على الماتش ده. بابا مش قادر تحمل كلمة اسناء الماتش. الواد ييجي يكلمه ويقول له اسكت بعد الماتش. مش شايف الماتش شغال. دي حاجة مهمة جدا الماتش ده. لكن - 00:42:24 لكن القرآن في قناة المجد كل يوم اربعة وعشرين ساعة شغال في البيت. اول ما الشوط الاول يخلص باباين جري على الحمام لأن بابا ماسك طول الشوق. ليه؟ اسبانيا بتلاعب ايطاليا في كاس اوروبا. يقوم يروح الحمام ازاي؟ لكن القرآن شغال اربعة وعشرين ساعة سبع ايام - 00:42:44

في الاسبوع مش مهم. عرفتم بنربى ولادنا ازاي؟ غلط. غلط. هو دا المفروض بقى الصورة دي تعمل اعادة صياغة للعلاقة بالقرآن. علاقتنا بالقرآن غلط. ما بنديش القرآن فرصة يغيرنا. القرآن - 00:43:04

مش عارف يغيرنا عشان الطريقة اللي احنا بنتعامل به معه. عشان الحواجز اللي احنا حاطينها بیننا وبينه. احنا ما حصلناش مشركين مكة مشركي مكة ابو سفيان والاخمس ابن شرير وعمرو ابن هشام. ابو جهل. يتقابلوا - 00:43:24

هم التلاتة عند بيت النبي عليه الصلاة والسلام بالليل. ليه؟ عشان النبي في الوقت ده عليه الصلاة والسلام بيقرأ قرآن بصوت عالي. فاللاتة رايحين يسمعوا. انت ايه اللي جاييك انت ايه اللي جاييك هنا؟ لا انا سجاير كده وبشتري حاجة بتشتري ايه يا ابني انت وهو ما ينفعش كده يا جماعة. لو عرفت قريش ولو عرفوا الغلمان بتوعنا ولو عرفوا - 00:43:48

النساء بتوعنا ده تبقى مشكلة وهتبقي مصيبة ويدخلوا في دينه واحنا مش ناقصين ما حدش يجيننا تاني اتفقوا ما حدش يجي تاني. تاني ليلة يتقابلوا برضه هم وبعدين يا جماعة مش قلنا ملش بس ما قدرتش يعني ايه هو لعب عيال خالص تالت ليلة يتقابلوا برضه هم التلاتة - 00:44:08

عاهدوا ان لا يمكن يعملوا كده تاني. ليه؟ عارفين مش قادرین يتتحملوا القرآن بيطلب ما يروحوش يبقى لو كان مكتوب وعندهم كانوا هيقرروه برضو. ده مشركي مكة اشد الناس عداء للسلام - 00:44:28

مش قادرین بیعدوا عنہ واحنا بنتعامل معه تعامل سیء جدا. نفس الکلام الولید المغيرة. قالوا له قل کده کلمتين في القرآن. کلمتين وحشین طبعا. وحشین ایه؟ قال ان لقوله لحلاوة. وان - 00:44:48

علیه لطلاوة وانه لیحطم ما تحته وانه لا یعلی وما یعلی عليه. ابو جهل قال له والله ما انا سایبک الا اما تقول کلام وحش ، ده انت هتودینا في داهية. قل يا عم کلمتين فيه وحشین. قال له مش لاقی حاجة اقولها. قال له دور. قال له طب استنى خلینی افکر کده - 00:45:08

اہ مش هو بیفرق بین المرء وزوجه؟ مش الواحدة من دول بتستر بالام سایبیة جوزها؟ قال له بس خلاص. انه لسحر ان هذا الا الا سحر یؤثر. لیه؟ قال لك اما رأیتموه یفرق بین الرجل واهله وبين الرجل - 00:45:28

سیدنا ابو بکر الصدیق دخل في جوار واحد اسمه ابن الدغنة. جوار یعنی دخل في حمايته قال له تعال اقعد عندي وما حدش هيقدر یقرب لك. فسیدنا ابو بکر قدع عنده وعمل مسجد صغیر کده في الحدیقة بتاعتہ في الفناء بتاع البيت وبقى - 00:45:48 یقف یقرأ القرآن باللیل فراح للراجل قال له لأ احنا ما اتفقناش على کده. ان ده غنی وكافر على فکرة مشرك. قال له انت حضرتك هتقدر عندي هنا هو اهلا وسهلا بك. لكن قرایة قرآن بصوت عالی لأ. لیه ؟ الله احنا عندنا ستات يا عم. عندنا آآ - 00:46:08 فشباب یسمعوا الکلام ده یخشووا على طول. قال له لأ رد عليه جوابه. فعمل ایه المشرکین ان اخطر حاجة ان القرآن يتلى بصوت عالی والمشرکین یسمعوا. فقالوا ایه؟ وقال الذين کفروا لا تسمعوا - 00:46:28

هذا القرآن والغو فيه لعلکم تغلبون. یعنی ایه والغو فيه یعنی گلوشوا عليه. یتسمعوا اوعوا گلوش عشان ما حدش یسمعه القرآن کان سبب اسلام الاوائل. سیدنا عمر ابن الخطاب قبل ما یسلم کان ایه؟ کان مسلم نص نص زینا - 00:46:48 مشرق عادی ده کان من الشیاطین مکة هو سیدنا عمر ده کان کافر عادی؟ ده صاحب الفكرة بتاعة کل کل عائلة تعذب مسلمیها بنفسها. حتى لا یتقاتل عائلات قریش. فقام کل واحد - 00:47:14

اولاده. مین صاحب الفكرة؟ سیدنا عمر ما کانش لسه سیدنا کان عمر ساعتها. وبعدين خد سیفه ورایح یقتل الرسول عليه الصلاة والسلام. فراحوا واحد مقابله وما سکه انت رایح فین بالسیف ده؟ رایح اقتل محمد ثم اسلم نفسی بنفسی لبني هاشم عشان یقتلونی وما - 00:47:39

مشکلة بینهم وبين ال خطاب. عبقری. فالراجل وقفه ده کان مسلم بس مش قايل لهم فقال لك بس ده هو کده رایح یقتل روح الصلاة. قال له يا عم رح شف بیتك الاول. قال له بیتی بیتی ایه؟ قال له رح شف بس اختک. ها - 00:48:03 واخوها وهم اسلموا اصلا. سعید ابن زید. فراح رایح عليهم عند الباب سمع القرآن بیوت لجوة زق الباب دخل ضرب اخته وضرب آآ جوزها وسیح دمهم. هات الورقة اللي في ایدک دی. قالت له امشی - 00:48:23 تکافر نجس قال لها لازم اقرا قالت خشی اغتسل الاول. دخل اغتسل وطلع. وقرأ. طه انزلنا عليك القرآن لتشقی الا تذكرة لمن یخشی تنزیلا من خلق الارض والسموات العلی كانوا على العرش استوی لهم في السماوات وما في الارض. وما - 00:48:43 وما تحت الشراء. خذونی الى رسول الله. واسلم. ایه ده ایه التأثیر ده؟ اتأثر کده ازای؟ الطفیل ابن عمرو الدوسي من قبیل الدوس رایح ماکلوس خلی بالک في هنک واحد اسمه - 00:49:23

محمد بیقول کلام اسمه القرآن ھیضیعک. حط قطن في ودانک وانت داخل. حاضر. وهو داخل مکة راح حط القطن في ودانه ومعدی من قدام الرسول عليه الصلاة والسلام وهو بیتلوا القرآن بصوت عالی. فقال لك یعنی قال لك فابی الله الا ان یسمعني بعضه. رینا - 00:49:43

اسمعنی شيء منه. فقال لنفسه ایه السخافۃ اللي انا فیها دی؟ ایه اللي انا باعمله ده اصل؟ انا رجل لبیب. انا انسان ناصح. انا مش راجل عبیط انا اقدر احکم على الحسن والقبيح. راح شایل القطن سمع اسلم على طول - 00:50:03 قال ما سمعت قط قولنا احسن منه ولا امرا اعدل منه فاسلمت الجبیر بن مطعم بن عدی اسریوم بدر داخل مع الاسری المدینة في المغرب. والرسول عليه الصلاة والسلام بیتلوا من سورة الطور. بیقول ایه؟ فلما قرأ - 00:50:18

ام خلقوا من غير شيء ام هم الخالقون كاد قلبي يطير. هم اتلخقوا من غير حاجة ولا هم اللي خلقوه ايه؟ فاكرين ريليه دي كارت قلنا ايه؟ فبلسوف الفرنساوي اللي قال ايه؟ انا اشك في وجود ربنا. بس ما دام باشك يبقى بافكر - [00:50:48](#)

فدام بفكر يبقى انا موجود يبقى انا اتلخقت. ما دام انا ما خلقتش نفسي يبقى حد تاني خلقني يبقى هو ده ربنا فقضى الشك الى الايمان عن طريق ايه؟ مين الخالق؟ مين الخالق؟ ام خلقوا - [00:51:18](#)

من غير شيء ام هم الخالقون؟ قال لك كاد قلبي يطير. وفي رواية اخرى كان هذا اول ما دخل قلبي من الايمان. على فكرة الجبير بن مطعم العادي ده كان خاطب السيدة عائشة قبل النبي صلى الله عليه وسلم. مش انت عارفين - [00:51:38](#)

اسيد ابن خضير في المدينة ايه حكاية مصعب ابن عمير ده اللي جالنا بقى له سنة والناس عمالة تسلم تسلم بيفسد نساء ويفسد الغلمان ويفسد العبيد. راح رايح ماسك الحرية ورايح له. سيدنا مصعب قال له بص بس. اتفق معك اتفاق - [00:51:58](#)

حط الحرية دي واقعد اسمع. عجبك؟ اسلم. ما عجبكش لك علي ما قلش حاجة لك ولا لعيتك قال له عدل. غرز الحرية قعد. قرأ عليه شووية قرآن. قام يلا بنا. قال له رايح فين؟ قال له هعرفك - [00:52:18](#)

على ناس مهمة جدا في الاوس وفي الخرجز. عشان لو عرفت قدرت عليهم هندخل القبيلتين دول يلا مع بعض. وراح وراح ما عرفه على سيدنا طبعا اسلم وراح عرفه سعد بن معاذ وسعد بن عبادة. من الاوس ومن الخرجز. هو ديتها شووية قرآن بفهم وتدبر. مش بالطريقة بتاعتنا - [00:52:38](#)

معجزة القرآن الكبرى هي القدرة على التغيير. تغيير الانسان. ايوة في اعجاز بياني. وفيه اعجاز آآ علمي اكبر معجزة هي الاعجاز في قدرة القرآن على تغيير الانسان - [00:52:58](#)

الامام القرافي يقول لو لم يكن لرسول الله صلى الله عليه وسلم معجزة الا اصحابه لفوه. يكفي معجزة هو قدرة القرآن على التغيير. بيتكلم في هذا الشيخ محمد الغزالى رحمة الله عليه يقول ان هذا القرآن نزل - [00:53:23](#)

الامة فاعاد صياغتها عندما قرأ العرب القرآن تحولوا تلقائيا الى امة تعرف الشورى وتكره استبداد الى امة يسودها العدل الاجتماعي. ولا يعرف فيها نظام الطبقات الى امة تكره التفرقة العنصرية وتكره اخلاق الكبراء والترفع على الشعوب. وجدنا بدوية - [00:53:43](#)

كريبيعي ابن عامر يعلم قائد الفرس. ويقول جئنا نخرج الناس من عبادة العباد الى عبادة الله وحده. ومن ضيق الدنيا الى سعة الدنيا والآخرة ومن جور الاديان الى عدل الاسلام. بدوي بيكلم قائد الفرس اللي هم عندهم حضارة الفين - [00:54:17](#)

سنة بيدي له درس في العدل كيف كان شأن النبي صلى الله عليه وسلم مع القرآن؟ كان دائمًا يذكر اصحابه بمكانة القرآن. دائمًا اقعد كده مع اصحابي قل لهم ايه يا جماعة القرآن ده اهم حاجة. ده اعزم كلام. اكتر حاجة ربنا بيحبها هو دوه. اهو يقول ايه عليه الصلاة والسلام. وما من - [00:54:47](#)

كلام اعظم عند الله من كلامه. وما رد العباد الى الله كلاما احب اليه من كلامه وقال ايضا صلى الله عليه وسلم القرآن احب الى الله من السماوات والارض ومن فيه - [00:55:11](#)

طب كيف كان يتأثر بالقرآن؟ كان السيدة عائشة بتقول عليه كان خلقه القرآن يبقى هو كان اخلاقه هو القرآن. يعني كان تجسيد للقرآن. كان قرآنا يمشي على الارض. تقول كما يرضى لرضاه ويُسخط لسخطه - [00:55:31](#)

يقول رسول الله صلى الله عليه وسلم شيبتي هود واحواتها قبل المشيب. هود واحواتها اللي هي السور اللي بحامي الحواميم. يقول لك شيبتي قبل سن المشيب. من الكلام اللي فيها. كان يقرأ ويتدبر - [00:55:55](#)

ليه؟ لأن هو ده سمة المؤمنين. سورة الفرقان بتوصف عباد الرحمن بتقول ايه؟ والذين اذا ذكروا بآيات ربهم لم يخرروا عليها صما وعيمان. مش زي لأفاهمين. مش زي اللي مش سامعهم - [00:56:15](#)

اصلا طب كيف كان يتأثر بالقرآن؟ سيدنا عبدالله بن مسعود بيقول انه كان يطلب منه ان اقرأ القرآن كان يقول له يا رسول الله اقرأه عليك وعليك نزل فكان صلى الله عليه وسلم يقول اني احب ان اسمعه - [00:56:36](#)

من غيري ان اسمعه من غيري. تحب اسمعه من غيري يا اخي. اقرأ. فيقول فقرأت عليه سورة النساء. حتى اذا جئت هذه الاية فكيف

اذا جتنا من كل امة بشهيد وجئنا بك على - 00:56:56

هؤلاء شهيدا. قال حسبك اقف كفاية قال فنظرت اليه فإذا عيناه تذرفان عن ما لعيط ويبكي وينزل دموع. ليه؟ يتأثر طيب كان بيتأثر بالقرآن عمليا. يعني ايه؟ يعني عشان تبقو عارفين ان الرسول عليه الصلاة والسلام كان اجود الناس - 00:57:16

يعني ايه؟ يعني اكرم الناس. اكتر واحد كريم في الدنيا هو النبي عليه الصلاة والسلام. ولكن يقول ابن عباس وكان اجود ما يكون في شهر رمضان. لكن اكتر وقت بيبقى كريم فيه شهر رمضان. ليه - 00:57:43

اشمعنى رمضان؟ يقول ابن عباس لان جبريل كان يلقاء في كل ليلة في شهر في رمضان حتى ينسلاخ. يعرض عليه رسول الله صلى الله عليه وسلم القرآن. فإذا لقيه جبريل كان - 00:58:04

اجود بالخير من الريح المرسلة. بيبقى الرسول عليه الصلاة والسلام هو اكرم الناس. واكتر وقت كريم فيه رمضان. ليه؟ عشان كان بيقرأ القرآن كتير جدا اكتر من اي وقت مع جبريل كل يوم. فالرسول عليه الصلاة والسلام تأثر فعليها وعملها بالقرآن - 00:58:24
كلامي ده ولا كلام ابن عباس كلام ابن عباس. بيبقى اذا كان اصل فرصة نام. طب كيف كان يقرأ القرآن كانت قراءته هادئة مترسلة يعني ايه؟ يعني متمهلة. حزينة كما امراه ربه وقرأنا فرقناه لتقرأه على الناس على مكث - 00:58:44

ورتل القرآن ترتيلها. بيبقى كان يرتل السورة حسب كلام السيدة عائشة حتى تبدو و كانها اطول. ليه؟ كان يمد الحروف في نهاية الاية اسمه الايه؟ المد الايه؟ ها؟ مد ايه؟ اه وقف للزوم. عند الوقف بدم - 00:59:15

بدي لازم عين الوقف. يا اما حركتين يا اربعة يا ستة. ليه؟ حتى اعطي فرصة للعقل انه يتدبّر قال لاقراها قبل ما انقل على الاية اللي بعديها مد عارض للزوم اسمه. ماشي. اذا كل ما تذكر الجنة يستبشر ويدعو الله. تذكر - 00:59:45

يستعيذ منها السيدة ام سلمة تصف قراءته تقول كانت قراءة مفسرة حرف حرف. كان بيفك الحروف من بعضها. ما يقولش السيدة عائشة بتقول لو اراد السامع ان يعد حروفها لعدها. لو عايز كده وهو بيقرأ - 01:00:09

تعد الحروف هتعرف تعددتها. هتلحق تعددتها. بفكها من بعضها. مش هدر مش سريع وكان ممكن يقعد ليلة كاملة في اية واحدة. وقعد ليلة كاملة في اية واحدة ان تعذبهم فانهم عبادك. وان تغفر لهم فانك انت العزيز الحكيم. بيكى - 01:00:31

ويقول يا رب امي امي ويتلو الاية مرة تانية وتالثة ورابعة وعشرة والف ليلة كاملة في اية واحدة. عشان الناس يقول لك ايه؟ يلا يا عم خلص عشان نلحق نختم قبل آآ في آآ المسابقات - 01:01:01

داخلين احنا زي الفراعنة. اه مسابقات بقت. طب التلاوة دي كل اسبوع يوميا وفدي سيف جم المدينة اتأخر عليهم شوية بعد العشاء طلع قال لهم معلش انا اسف بس ايه طرأ علي حزبي من القرآن. فكرهت ان اخرج - 01:01:20

من المسجد حتى اقضيه. انا كان لازم اخلص الحزب بتاعي. كان لازم اخلص الايه؟ الورد بتاعي. كان لازم اقرأ. بيبقى القراءة كانت كل يوم مش كل رمضان طيب الواحد يطول في ايه؟ لما كان بيطول - 01:01:40

في التدبّر والتأمل مش في كم الايات. السيدة عائشة بتقول لا اعلم نبي الله صلى الله عليه وسلم. قرأ القرآن كله له في ليلة ولا قام ليلة حتى اصبح. ما فيش حاجة اسمها قيام لغاية الصبح. ما فيش حاجة اسمها قاعد يقرأ - 01:02:00

القرآن كله خلصه في ليلة مش كداب. الكلام دا سمعناه في اجيال اخرى بعد بعد جيل الصحابة. كانت اجيال اكتر حماسة متحمسين. فيقول لك كان يصلّي الفجر بوضوء العشاء تلاتين سنة. يعني ما نامش تلاتين سنة بالليل ابدا - 01:02:20

من العشاء يفضل يصلّي قيام لغاية الفجر. الرسول عليه الصلاة والسلام لا كان بيعمل كده ولا الصحابة. كانوا وسطيين جدا في عبادتهم. كانوا يقوموا الليل وكانوا بيناموا. ولكن العبرة كانت لها كوالتي مختلفه. ما كتش بتتركز على كانت بتتركز على الكوالتي. كانت تتركز على الكيف مش على - 01:02:40

واحد راح لسيدنا عبدالله بن مسعود ده احد العبادلة الاربعة من اعزم الصحابة في القرآن الكريم. قال له ده انا بقرأ المفصل كله في ركعة. مفصل يعني اخر اربع آآ اجزاء. اقرهاها كلها في ركعة - 01:03:10

سيدنا عبدالله قال له هزا كهز الشعير. ان قوما يقرأون القرآن لا يجاوز تراقيهم. ولكن اذا وقع في القلب فرسخ نفع بتقرأه بسرعة كده

01:03:30 - ذي الشعر. مش هو ده. مش كده خالص. طيب -

نشوف بقى الرسول عليه الصلاة والسلام كان بيعلم الصحابة ازاى. سيدنا عثمان بن عفان وعبدالله بن مسعود وغيرهما من الصحابة قالوا قالوا انهم كانوا بيتعلموا مع النبي صلى الله عليه وسلم العشر ايات من القرآن لا نتجاوزها. عشر ايات بعشر -

01:03:54 - ايات. عشر ايات واقف. وبعدين حتى نتعلم ما فيها من علم وعمل. فتعلمنا القرآن يعني ابتلاء والعلم الفهم والتفسير. والعمل التطبيق جمیعاً كنا نتعلم مع رسول الله العشر ايات من القرآن لا نتجاوزها حتى نتعلم ما فيها من علم وعمل -

01:04:14 - فتعلمنا القرآن والعلم والعمل جمیعاً. كلام خطير. احنا عايزين كل واحد فينا لازم يجيد التلاوة. انا شفت هنا نتفق ونقسم نفسنا وننجز آآآ الدكتور سامي اخواننا هنا في المسجد يعلمنا التلاوة. ما جلس قوم بص حديث عليه الصلاة والسلام. ما جلس قوم في

بيت من بيوت الله -

01:04:41 - يتلون كتاب الله ويتدارسونه بينهم. دلوقتي بنعمل كده ها؟ الا نزلت عليهم السكينة وحفتهم الملائكة وغشيتهم الرحمة. دلوقتي احنا بنرحم. خلي بالك ها الله في من عنده. ربنا بيذكرك باسمك دلوقتي واحد واحد فيكم. بيذكرك باسمك يا اختي يا اللي قاعدة فوق دلوقتي. واحد واحد فيكم -

01:05:11 - لازم نفهم قراءة قرآن يعني بتدرس. لا بديل عن التدبر قراءة زي زمان بدون فهم خلاص هذا عهد وولى انتهى كتاب انزلناه اليك مبارك لام السببية. ليحفظوا اياته ما قالش كده -

01:05:41 - ليديبروا اياته. سبب انزال القرآن حتى نتدبر الايات افلا يتديرون القرآن ربنا بيقول سؤال بيتعجب افلم يتديرون القول افلا يتديرون القرآن ام على قلوب اقفالها. قلوب مغلقة سيدنا عبدالله بن عمرو بن العاص راح الرسول عليه الصلاة والسلام. طيب يا رسول الله عمال يتتحايل عليه الصلاة والسلام. طب ائن لي اقرأه في تلات تيام. قال له أ -

01:06:11 - قال له ايه؟ لا يفههه من يقرأ في اقل من ثلاث. يا ابني افهم مش هتفهم لو قررت في اقل من تلات ايام. يعني ايه يعني الاصل انك تفهم. الاصل انك تتدبر -

01:06:50 - وقال صلى الله عليه وسلم اذا قام احدكم من الليل فاستعجم القرآن على لسانه فلم يدرى ما يقول فلينصرف فليضبط مع. ما تقدعش تعزب نفسك. انت واقف بتقوم الليل. ابتدت مدروخ. والقرآن تقيل على لسانك. وما انتش دريان بحاجة -

01:07:10 - رح نام يا عم الحصان بيقول لك فلينصرف فليضبط مع. خلاص انت مش مركز ومش فاهم. ايه اللزوم اللي بتعمله ده اصلاً؟ قرآن فاهم يعني التدبر عشان يؤثر. محمد بن كعب ده احد المفسرين الكبار وسبحان الله! ده آآ يعني -

01:07:30 - واجداده منبني قريظة من يهودبني قريظة. محمد بن كعب القرابي من اعظم المفسرين يقول لان اقرأ في ليلة ان حتى اصبح اذا زلزلة والقارعة بس. الزلزلة والقارعة يقعد طول الليل يقرأها لغاية الصبح. لا -

01:07:50 - زيدوا علیهم واردد فيهم الفکر. واقعد افکر واتفکر فيهم احب الي من ان اهد القرآن ادي او اثثره نثرا. احسن بكثير من اني اقعد اقرأ لي سبع تمن تجزاء. ليه؟ القارعة واذا زلت -

01:08:10 - طول الليل وافکر فيهم وفي معانيهم وابكي ويشحنوني. شحن ايماني. اذا الواجب اليومي من قراءة القرآن بتدرس. قد ايه؟ تقترح ونقرأ قد ايه كل يوم ربع صفحة سورة ساعة ما خلاص -

01:08:30 - بقى انسى الکم برضه بتكلموني ربع جزء حزب. بعدين بقى ساعة كل ما قررت فيها اقل كل مكان احسن قسمها نص الصبح ونص بالليل اجمل عشان تبقى عارف. بس المهم عدد الايات ما يكونش كبير. لانك هتقرا -

01:09:02 - تدبر وترکز. ده مهم جداً اسمع منكم المرة الجاية. عملنا ايه؟ تجربتكم ايه يبقى هنعمل الاتي ورد الالاحاج ده ماشي معك على طول. بتلخ على الله انه يمن عليك بقلب سليم. ويوميا حضرتك هتقرا لنا هتقرا لنفسك اقرأ لنا الحماية. تقرأ لنفسك. ساعة -

01:09:26 - قرآن كل يوم. عندك بقى امتحانات. عندك بتاع هتقول لي ما عنديش وقت. هاقول لك ايه اعتبر نفسك وقعت من طولك دلوقتي وقعت من طولك وخدنالك على المستشفى. فالدكتور قال حالة القلب عندك خطيرة. وهتموت الا لو -

01:09:56 - كل يوم مشيت ساعة. عشان الدورة الدموية بتاعتك تمشي. هتلاقي الساعة ولا مش هتلاقي؟ هتلاقيها. انا بقول لك اهو انت حالتك

خطيرة وقلبك بيموت. ومحتج ساعة قرآن. لقيها بقى. خدھا من نومك. خدھا من وقت التويير بتاع - 01:10:21

من الفيسبوك بتاعك خدها باي طريقة. قلل شوية التوك شوز اللي طول النهار بتنفرج عليها. عندك ساعة قرآن كل يوم هنقرأ فيها

01:10:41 - وهنڌدير وتقوم یاعت ايميل: على اي ميد ماي هوم وورك -

الجيميل دوت كوم. بتكتب رقم التسجيل بتابعك. اللي ما عندوش رقم تسجيل بيعت على الليلة ويمسل المعزم واحد ارقام تسجيل.

رقم التسجيل ينبع مسالمة ستة وثمانين على تعلم لى سلاش - 01:11:01

اكتب لي عدد الدقائق اللي قريتها. لو قريت خمسين اكتب خمسين. قريت خمستاشر دقيقه اكتب لي خمستاشر. بس ما تسيبنيش

متعلق من غير ما تكتب لي انت عملت ايه ؟ باتابعكم كل يوم.انا طالع من عندكم ده انا دوبى الحق الطيارة عشان تبقوه عارفين

دلوقت، فالشیاب بیفرغوا فی، جو حمل دوک - 01:11:21

من اي مكان مسافر فيه يفتح واسوف كل واحد عمل ايه لازم هنشتغل مع بعض شوية نتعب مع بعض شوية بس هيجيب نتيجة بازن

الله في الآخر. وفي أخوة موجودين هنا معنا. كانوا حاضرين الدورة دي قبل كده يكلموكوا عن إنثها - 01:11:41

من فضلكم تعلموا اليوم ورك بتاعك وتيعت لي على اليميل. خلاص؟ رقم التسجيل بتاعك شرطة عدد الدقائق اللي قريتها. قريت أقل

من ساعة ما تتكسف اكتب له.. اكتب له.. تواصل معی لو سمحت. خلاص؟ جزاکم الله خيرا - 01:12:01